



Бандлик

СИФАТЛИ МАҲСУЛОТЛАР ХОРИЖДА ҲАМ ЭЪТИБОР ҚОЗОНМОҚДА

Давлатимиз раҳбари Вазирлар Маҳкамасининг мажлисидаги маърузасида мамлакатимизда экспорт ҳажми 11,6 фоизга ўсгани, экспорт қилинаётган маҳсулотлар таркиби ва сифати яхшиланиб бораётганини алоҳида таъкидлади.

Ўз маҳсулотларини экспорт қилаётган корхоналар Самарқандда ҳам талайгина. «8-март» очик акциядорлик жамияти шулардан биридир. — Корхонамизда ишлаб чиқарилаётган маҳсулотларнинг асосий қисми хорижга экспорт қилинмоқда, — дейди жамият раиси Исмаилов Амонов. — Ишлаб чиқаришни модернизациялаш натижасида сармоядорлар томонидан 2 миллион АҚШ доллари миқдорига маблағ ўзлаштирилди. Бу маблағ эвазига Япониянинг «JUKI» фирмасидан трикотаж буюмлари тикадиган замона-

вий ускуналар харид қилинди. Жамиятнинг трикотаж буюмлар ишлаб чиқариш цехида бугун 450 киши меҳнат қилмоқда. Келгусида фабрика қувватини ошириш мақсадида модернизациялаш ишларини давом эттириш кўзда тутилган. Айни пайтда корхонада 50 дан зиёд маҳсулот тайёрланмоқда. Ишлаб чиқарилаётган кийим-кечаклар сифати ва бежиримлиги билан хорижликлар талабларига тўлиқ жавоб беради.

Абдували ХУДОЁРОВ,
«Ўзбекистон овози»
мухбири.

ЯНГИ КОРХОНА ИШГА ТУШДИ

Андижон вилоятининг Хонобод шаҳрида анчадан буй бўш турган бино реконструкция қилиниб, «LENS TEXTILE INVEST» тикувчилик корхонасига айлантирилди. Чет давлатдан умумий қиймати 338,4 минг АҚШ долларига тенг замонавий дастгоҳлар келтириб ўрнатилди. «Ўзсаноатқурилишбанк»нинг Хонобод филиали томонидан ажратилган 500 миллион сўмлик имтиёзли кредит корхона фаолиятини кенгайтиришда муҳим аҳамиятга эга бўлди.



Айни пайтда унда 250 нафар ишчи меҳнат қилмоқда. Уларнинг 210 нафари касб-хунар коллежлари битирувчиларидир. Келгусида корхона раҳбарияти ишлаб чиқариш салоҳиятини янада кенгайтириш орқали иш ўринлари сонини 380 тага етказишни режалаштирмоқда.

Аҳмадилло СОЛИЕВ,
«Ўзбекистон овози» мухбири.
Азаматжон ТОШМАТОВ олган сурат.

ЎЗБЕКИСТОН ХАЛҚ ДЕМОКРАТИК ПАРТИЯСИ ЖОРИЙ ЙИЛДА ЎЗ ДАСТУРИЙ МАҚСАДЛАРИГА МУВОФИҚ ТАРЗДА АҲОЛИНИНГ БАНДЛИК ДАРАЖАСИНИ ОШИРИШ, АЙНИҚСА, КАСБ-ҲУНАР КОЛЛЕЖЛАРИ БИТИРУВЧИЛАРИНИ МУТАХАССИСЛИКЛАРИГА МОС ИШ БИЛАН ТАЪМИНЛАШ ЖАРАЁНЛАРИДА ЯНАДА ФАОЛ ИШТИРОК ЭТИШНИ МАҚСАД ҚИЛГАН.

БАРЧА ДАРАЖАДАГИ ПАРТИЯ ТАШКИЛОТЛАРИ БУ МУҲИМ ВАЗИФАГА ЖИДДИЙ МАСЪУЛИЯТ БИЛАН ЁНДАШИШИ, ХАЛҚ ДЕПУТАТЛАРИ МАҲАЛЛИЙ КЕНГАШЛАРИДАГИ ЎЗХДП ДЕПУТАТЛИК ГУРУҲЛАРИ «2013 ЙИЛДА ИШ ЎРИНЛАРИ ТАШКИЛ ЭТИШ ВА АҲОЛИ БАНДЛИГИНИ ТАЪМИНЛАШ ДАСТУРИ» ИЖРОСИГА ҚАРАТИЛГАН АМАЛИЙ ИШЛАР БИЛАН ФАОЛ ШУҒУЛЛАНИШИ, ДЕПУТАТЛИК ҲАМДА ЖАМОАТЧИЛИК НАЗОРАТИНИ ТИЗИМЛИ РАВИШДА КУЧАЙТИРИБ БОРИШИ ТАЛАБ ЭТИЛАДИ.

Фракция муҳокамаси



Муродбек ЗИЕ олган суратлар.

АМАЛИЙ ЁРДАМ ВА ҲУҚУҚИЙ МАСЛАҲАТЛАР

одамларнинг партиёга ишончини мустаҳкамламоқда → 2

ХОРАЗМ: САНОАТ САЛОҲИЯТИ ЮКСАЛАДИ

Бунга Президентимиз томонидан замин яратилди → 3



ҚИШ ФАСЛИДА БАҲОР ҲАВОСИ

эсаётгани кўпчиликини қизиқтирмоқда → 4



КОНЦЕПЦИЯ ҲОЯЛАРИ АСОСИДА

аҳолини манзилли ижтимоий қўллаб-қувватлаш бўйича фуқароларнинг ўзини ўзи бошқариш органларининг ваколатлари кенгаймоқда

Хар бир инсон ҳаётида ўсиб-улғайган, истиқомат қиладиган маҳалласи муҳим ўрин тутаяди. Маҳаллада деярли ҳамма бир-бирини танийди, яхши-ёмон кунда ўзаро кенгашиб иш тугилади, қўллаб-қувватлашга муҳтож кишиларга ҳамжиҳатликда ёрдам берилади. Шунинг учун мамлакатимизда маҳаллани том маънода фуқароларнинг ўзини ўзи бошқариш органига айлантиришга чуқур эътибор қаратилаётгани бежиз эмас.

(Давоми 2-бетда.)

ЎзХДПда сиёсий ва фуқаролик маърифати

ЭРТАНГИ КУНГА ИШОНЧ ҲИССИ

барқарор тараққиёт кафолатига айланмоқда

Ватан равнақи ва тараққиётга муносиб ҳисса қўшиш, ўз манфаатини шу юрт ва халқ манфаати билан боғлаш, тинчлик ва осудаликни асраш, мустаҳкамлаш учун курашиш барча олижаноб орзу-интилишларимизни амалга оширишнинг муҳим кафолатидир. Юксак мақсадларимизга эришишда халқимиз миллий ғоя атрофида руҳан бирлашиши, ҳар бир фуқарода миллий гуруҳ туйғусини шакллантириш талаб этилади. Бунинг учун сиёсий ўқувларнинг мазкур йўналишдаги машғулоти тасирчанлигини ошириш лозим.

ЎзХДП Марказий Кенгаши, Олий Мажлис Қонунчилик палатасидаги партиё фракцияси ҳамда Тошкент вилоят кенгаши ҳамкорликда ўтказган сиёсий семинар ана шу масалаларга бағишланди. → 2

ЎзХДП ҳаётдан

ПАРТИЯ ТАШКИЛОТЛАРИНИНГ ВАЗИФАЛАРИ

муҳокамасига бағишланди

ЎзХДП Қорақалпоғистон республика Кенгаши Ижроия қўмитаси томонидан 2013 йил — Обод турмуш йили муносабати билан Ўзбекистон Халқ демократик партияси олдида турган вазифалар мавзусида давра суҳбати ўтказилди. Унда халқ депутатлари туман ва шаҳар Кенгаши депутатлари, туман партия кенгашлари раислари ҳамда бошланғич ташкилот етакчилари иштирок этди.

Тадбирда таъкидланганидек, Обод турмуш йилида аҳолининг турмуш фаровонлигини янада ошириш билан боғлиқ муҳим вазифалар белгиланди. Бу партия ташкилотлари ва депутатлик гуруҳлари зиммасига янада катта масъулият юклайди. Шунинг учун Ҳаракат дастурида белгиланган йўналишларга мувофиқ тарзда жисмоний имконияти чекланган кишилар, кам таъминланган, боқувчисини йўқотган оилалар, касб-хунар коллежи битирувчиларини ҳар томонлама қўллаб-қувватлаш, уларга муносиб турмуш шартлари яратиш, доимий иш ўринлари билан таъминлаш асосий вазифалар ҳисобланади.

Давра суҳбатида ЎзХДП Қорақалпоғистон республикаси кенгаши раиси Қувватбой Курбонбоев сўзга чиқиб, мазкур вазифалар ижросига барча даражадаги партия ташкилотлари, депутатлик гуруҳлари жиддий масъулият билан ёндашиши, электрорат манфаатини самарали ғимоя қилишда янада ташаббускор бўлиши лозимлигини таъкидлади.

Йигилиш сўнггида кўрилган масалалар юзасидан партия фаоллари ва депутатларнинг фикр-мулоҳазалари тингланиб, тегишли тавсиялар ишлаб чиқилди.

Мнажатдин ҚУТЛИМУРАТОВ,
«Ўзбекистон овози» мухбири.

СИЗНИНГ ФИКРИНГИЗ ҚАНДАЙ?

Оила институти

Олий Мажлис Қонунчилик палатасида «Ўзбекистон Республикасининг Фуқаролик процессуал кодекси ва Ўзбекистон Республикасининг Оила кодексига оила институтини такомиллаштиришга қаратилган ўзгариш ва қўшимчалар киритиш тўғрисида»ги қонун лойиҳаси муҳокама қилинмоқда. Мазкур қонун лойиҳаси билан болаларни фарзандликка олишнинг (васийлик ва ҳомийлик органи тавсиясига кўра) туман, шаҳар ҳокими қарори билан амалга ошириш тартибини бекор қилиш, фарзандликка олиш тўғрисидаги ишларни кўриб чиқишнинг суд тартибини жорий қилиш назарда тутилмоқда.

Ушбу масала юзасидан сизнинг фикрингиз қандай? Фарзандликка олиш тўғрисидаги ишларни кўриб чиқиш бўйича суд тартиби жорий қилинишининг афзаллиги ва ижтимоий аҳамияти нималардан иборат, деб ўйлайсиз?

Биз халқ депутатлари маҳаллий Кенгашлардаги депутатларимиз, партиямиз фаоллари, зиёлилар, ҳуқуқшунос олимлар ва газетхонларнинг фикр-мулоҳазаларини кутамиз.

Телефон/факс: 8 371 233-10-13, электрон манзил: ovozi@mail.ru

